



Claudii Fleurii Abbatis Historia Ecclesiastica

Ab anno Christi 1691. usque ad annum 1701

Fleury, Claude

August. Vind. [u.a.], 1781

VD18 13322648

§. 47. Controversia inter Mechlinensem Archiepiscopum & quosdam
Lovanenses Doctores coram Pontifice agitata.

[urn:nbn:de:hbz:466:1-67627](https://nbn-resolving.de/urn:nbn:de:hbz:466:1-67627)

ret, quæ in sui defensionem ibidem Sæc. XVII.
continerentur, de cetero autem, factæ suæ revocationi, & dolori, quo suos errores detestatus fuisset, firmiter insisteret, palamque ficeret, quod circa alias quæstiones, ubi de possibilitate præceptorum, resistentia gratiæ, libertate hujus status, Divina voluntate salvandi omnes homines, de morte Christi pro salute omnium, de peccato originali, prædestinatione & reprobatione, nunquam ejusmodi errores in sua versione adoptare intenderit: et si quid simile in sua versione repertum fuerit, id non data opera, sed ex incuria irrepererit, non autem aliter circa hos articulos sentiat, quam Ecclesia Catholica sentit: omiserit quidem aliqua S. Doctoris loca, sed ideo, quia literalem versionem edere non intenderit.

§. XLVII.

Controversia inter Mechlinensem Archiepiscopum & Lovanienses Doctores coram Pontifice agitata.

Jam ab anno hujus saeculi sexagesimo Facultas Theologica Lovaniensis, ne in Belgio Catholico Jansenii doctrina latius serperet, Alexandri VII. Pontificis formulam opposuit, cunctisque præcepit, ut interposita juramenti reli-

Sæc. XVII. religione profiterentur, se ore & cordi
A.C. 1693. doctrinas quinque propositionum Jansenii

per Innocentii X. & Alexandri VII. Pontificum Constitutiones proscriptas damnare, iisdemque Constitutionibus religiosam observantiam praestare: Cum autem instigante Quesnello, Arnaldo, eorumque sociis nonnulli Belgæ Theologi usitata distinctione inter quæstionem juris & facti necnon obsequioso silentio hoc juramentum ac formulam eluderent, hinc ineunte anno hujus saeculi nonagesimo secundo Humbertus de Precipiano Mechliniensis Archiepiscopus formulam Alexandri VII. integrum prescrivit, seu ut omnes non modo jurarent, quod obsequiose reciperent Pontificum Constitutiones, sed etiam jurarent veritatem circa ea, quæ in illis continentur quoad quæstionem facti, id est damnarent has quinque propositiones tanquam ex Cornelii Jansenii libro, cui titulus: Augustinus extractas, & in sensu ab eodem Authore intento in ejusque libro expresso: Insuper Belgii Praesules unanimi consensu decreverunt, ut ad integrum hanc Alexandri VII. formulam omnium illorum probaretur fides, qui vel ad Ordines, vel ad Beneficia, vel ad sacratiora Confessariorum, & Concionatorum munia a se essent promovendi. Verum huic additioni ab Archiepiscopo

episcopo factæ nonnulli Lovaniensis Sæc. XVII.
 Universitatis Doctores sese acriter op- A.C. 1693.
 posuere: unde jurgiis indies excrescen-
 tibus tota hæc cauſa, ex Hispani Re-
 gis mandato, & Ordinum Brabantino-
 rum consilio, necnon contendentium
 partium consensu Romam delata est,
 atque in Congregatione sancti Officii
 agitata: Ibidem Mechlinensis Archi-
 episcopi partes tuebatur Pater Bernar-
 dus Desirandt ex Ord. S. Augustini,
 Universitatis autem cauſam in ſe fuſce-
 perat, Joannes Libertus Hennebel Theo-
 logiæ Doctor, quem quidam Universitatis
 Doctores die septima Maij Romam decre-
 verant. Hæc contentio integrum tenuit
 annum, & Archiepiscopi Legatus totus
 in eo erat, ut formulæ explicationem,
 additionemque urgeret, ac demonstra-
 ret, eam nil aliud continere, niſi quod
 in Alexandri VII. formula continere-
 tur: E contrario autem Hennebelus
 porrecto libello supplici a Papa petiit,
 ut Academiis Lovaniensi & Duacensi
 doctrinam de gratia per ſeipſam efficaci
 & de prædestinatione gratuita ante præ-
 viſa merita tradere liceat, simulque Pon-
 tifex novam Archiepiscopi additionem
 rejicere vellet. Hanc in rem Lova-
 niensis Universitatis mentem fidemque
 pluribus scriptis testatam reddidit, ac
 præprimis a S. Congregationis Cardi-
Hist. Eccles. Tom. LXVI. K nali-

Sæc. XVII. nalibus petiit, ut doctrinam in suo scri.
A. C. 1693 pto contentam examinarent, ac postea

Sacra Sedes suum desuper judicium
ferret. Erat autem hujus scripti te-
nor sequens.

„Joannes Libertus Hennebel Aca-
„demiæ Lovaniensis Doctor, ab eaque
„designatus ad reddendam Sanctissimo
„D. N. Innocentio PP. XII. sive huic
„Sacræ Congregationi rationem fidei
„ac Doctrinæ, tam suæ, quam alio-
„rum plurimorum Theologorum, &
„Ecclesiasticorum, Cleri Belgici, tum
„sæcularis, tum regularis; ut suprema
„S. Sedis autoritate sedentur dissidia,
„& contentiones, quibus non solum
„ipsa Universitas Lovaniensis, sed &
„totum pene Belgium agitatur, se sisit
„humillime Eminentissimi Vestris, nihil
„aliud optans, suppliciterque exposta-
„lans, quam, ut examinata, quæ hic
„ab eo exponitur, Doctrina, dijudicet
„S. Sedes, an contineat vel unum a-
„picem fidei Orthodoxæ contrarium,
„aut aliquid ab Ecclesia & Apostolica
„sede explicite, vel implicite damna-
„tum, rejecturus obedienter, si quid
„ipsa rejecerit, & amplexurus humi-
„liter, quodcumque ipsa statuerit.”

„Quoniam vero Eminentissimi Do-
„mini, potissimum accusationem ad-
„versarii generalibus, ut plurimum,
„verbis

„verbis sub invidioso Jansenismi nomi- Sæc. XVII.
 „ne instituunt, volentes hac arte, sine A. C. 1693.
 „onere probandi, notam hæresis inu-
 „rere Viris maxime Catholicis; pri-
 „mum profitetur Orator, & protestatur
 „coram Deo, tam suo, quam aliorum,
 „ut supra nomine, se semper damnasse,
 „& usque modo damnare, quinque pro-
 „positiones Jansenianas sine restrictione,
 „& Constitutionibus SS. PP. Innocen-
 „tii X. & Alexandri VII. religiosam per
 „omnia observantiam præstitisse, ac
 „etiamnum præstare..,

„Declarat insuper speciatim Orator,
 „suo & aliorum, de quibus supra no-
 „mine, se circa prædictarum quinque
 „propositionum materiam, subscribere
 „expositioni quinque Articulorum jam
 „ab Anno 1663. ad sedem Apostolicam
 „transmissæ, iterumque paucis abhinc
 „annis eidem S. Sedi oblatæ, idque
 „eodem modo, quo celeberrimi quique
 „Thomistæ eam expositionem proba-
 „runt, ac etiamnum probant..,

„Quæ quidem doctrina quinque il-
 „lis articulis explicata, nihil contra-
 „rium continet, sed potius plane con-
 „formis est doctrinæ, quam exhibent
 „Censuræ duarum facultatum Lova-
 „niensis & Duacensis præterito sæculo
 „editæ, cum adjuncta eis justificatione.
 „In his enim jam olim expressa est Ora-

K 2 „toris,

Sæc. XVII., toris, aliorumque, præsertim Lovaniiensis Facultatis, Theologorum de Auxiliis divinis, & gratia Salvatoris sententia, quam, utpote a majoribus acceptam, usque in hunc diem, & non aliam, retinent ac profitentur, ob id maxime, quod semper ab iis creditum sit, atque etiamnum credatur, hanc esse genuinam S. Augustini, aliorumque Sanctorum contra Pelagianos, & Semi - Pelagianos gratiæ defensorum, itemque Divi Thomæ doctrinam, sæpius quidem, præsttim a recentioribus, reprehensam & impugnatam, sed semper in Ecclesia defensam, & potissimum ab Apostolica sede in tuto collocatam.,

Quamvis autem anno millesimo sexcentesimo septuagesimo nono Fæcultas Theologica Lovaniensis hanc ipsam prædictarum Censurarum & Justificationis doctrinam per speciales deputatos sedi Apostolicæ examinandum obtulerit, eamque hæc Sacra Congregatio post maturum examen censuerit errore vacuam, & ab omni Censura immunem, uti iisdem deputatis ab eo, qui tunc in eadem sacra Congregatione Assessoris munere fungebatur, significatum fuit: attamen adversarii passim pergunt eam ipsam doctrinam atro Bajanismi, Jansenismi,

„mi, imo & Calvinismi calculo notare, Sæc. XVII.
„eiusque defensores palam, tum ver- A.C. 1693.
„bis, tum scriptis, tanquam hæreticos
„& novatores traducere, uti patet ex
„pluribus thesibus, variisque Libris,
„quorum nonnulli ad hoc Sacrum Tri-
„bunal delati sunt.,,

„Quapropter, Eminentissimi Do-
„mini, Orator humiliter supplicat Emi-
„nentiis Vestris, ut de expositione quin-
„que Articulorum, toties jam Aposto-
„licæ sedi oblata, judicium suum pro-
„ferre dignentur. Jam vero, ut ali-
„quo publico testimonio significant,
„quid jam olim de prædictis duabus Cen-
„suris, & adjuncta eis justificatione
„Sacra Congregatio censuerit, quo ii
„compescantur, qui illas tanquam mi-
„nus orthodoxas, aut etiam hæreti-
„cas accusare non cessant. Sic enim
„futurum sperat, ut omnes intelligant,
„an revera doctrina, quam suo, alio-
„rumque nomine supra exposuit, sit
„dicenda hæretica, aut in Jansenio
„damnata; an illam tenentes & do-
„centes sint dicendi rebelles sedi Apo-
„stolicæ, & Pontificiarum Constitutio-
„num contemptores, an propter illam
„arcendi a Cathedris in Universitatibus,
„a præbendis & dignitatibus in Capi-
„tulis, an denique repellendi a Sacris
„ordinibus, muniisque Ecclesiasticis,

K 3

„nec

Sæc. XVII „nec approbandi ad Confessiones audien-
A. C. 1693. „das, ut pars adversa contendit.,“

„De hoc supplicat Orator, ut decer-
„nat Apostolica Sedes, paratus judi-
„cio ac Censuræ illius in omnibus se-
„subjicere, si quid in proposita doctrina
„reprehendendum, aut corrigendum
„duxerit. Unum rogat humillime, ut
„nimirum, si eandem doctrinam sanam
„esse judicaverit, & incontaminatam,
„nulliusque erroris suspectam, hoc ipsum
„orbi Christiano notum facere digne-
„tur, imposito adversariis silentio, &
„addita sub gravibus pœnis prohibitio-
„ne, qua interdicatur, ne quis eam
„impostorum verbo aut scripto prosciri-
„dere, vel ejus Defensores invidiosis
„nominibus, seu calumniosis accusa-
„tionibns, aliisque vexationibus exagi-
„tare attentet. Hoc enim, Eminen-
„tissimi Domini, videtur efficacius, &
„forte unicum superesse remedium ad
„sedandas graves illas dissensiones, qui-
„bus Belgium jam diu miserandum in
„modum discinditur, & ad stabilien-
„dam inter Theologos pacem & Con-
„cordiam, quod tantopere Vestras Emi-
„nentias optare omnes norunt. Quas
„Deus in bonum Ecclesiæ servet inco-
„lumes.,“

§. XLVIII.